

Broj: 101- 1.874/17 HH
Zenica, 21.02.2017. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-1.872 -1/17 HH od 21.02.2017. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 716- 1.873/17 HH od 21.02.2017. godine u postupku dodjele okvirnog sporazuma za nabavku ulja i maziva, i prihvata se preporuka Komisije za nabavke, da se okvirni sporazum zaključi sa ponuđačem:

VALVOSON d.o.o. Busovača ,

kao najbolje ocijenjenom ponuđaču

prema ponudi broj: 716-306/17 od 12.01.2017. godine, za ponuđenu cijenu, bez uračunatog PDV-a u iznosi 9.620,80 KM.

II

Prijedlog okvirnog sporazuma dostavit će se na potpis izabranom ponuđaču Valvoson d.o.o. Busovača, nakon isteka roka od 10 dana, računajući od dana kada su svi ponuđači obavješteni o izboru najpovoljnije ponude .

III

Za izvršenje ove Odluke zadužuje se Komisija za nabavke.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-19.919/16 HK od 28.12.2016. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 24 mjeseca.

Procijenjena vrijednost javne nabavke bez uračunatog PDV-a je 20.000,00 KM.

Dana 29.12.2016. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-507-3-78/16, objavljena je i tenderska dokumentacija.

Poziv za dostavu ponuda je upućen sljedećim ponuđačima:

1. Almy d.o.o. Zenica,
2. EURO BOJIĆ d.o.o. Zenica,
3. DELBOY d.o.o. Zenica.

Na osnovu Izvještaja o preuzimanju tenderske dokumentacije od strane ponuđača od 12.01.2017. godine u 14:17 sati, utvrđeno je da su sljedeći ponuđači preuzeli tendersku dokumentaciju:

1. ekapija d.o.o.,
2. Almy d.o.o. Zenica,
3. BBS Europe,
4. Dioničarsko društvo BH Telecom d.d. Sarajevo-Regionalna direkcija Zenica,
5. Infostrim d.o.o.,
6. DELBOY d.o.o.,
7. HIFA PETROL d.o.o. Sarajevo,
8. Inter-com d.o.o. Zenica,
9. BRKIĆ PETROL d.o.o. Zenica,
10. MARKER d.o.o. ,
11. BIOL d.o.o.,
12. JKP „GRADINA“ d.o.o. Donji Vakuf,
13. „Euro – Bojić“ d.o.o.,
14. Valvoson d.o.o. Busovača.

Komisija za nabavku imenovana je Odlukom broj: 101-197/16 MS od 11.01.2016. godine.

Komisija za nabavku je dana 21.02.2017. godine direktoru preduzeća dostavila Zapisnik o ocjeni ponuda broj: 716- 1.873/17 HH od 21.02.2017. godine i Preporuku o izboru najpovoljnijeg ponuđača broj: 716- 1.872 -1/17 HH od 21.02.2017. godine, u postupku javne nabavke ulja i maziva.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet),
- da je blagovremeno zaprimljeno 5 (pet) ponuda,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 14 (četrnaest).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima opštim aktima ugovornog organa i tenderskom dokumentacijom Komisija je ocijenila da:

a. Ponuda ponuđača DELBOY d.o.o. Zenica sadrži određene nedostatke i to:

- Ponuda nema puno ime i prezime odgovorne osobe.
- Kvalitet ulja i maziva u stavkama 1 i 2 Aneksa 1 - Obrazac za cijenu ponude nije u skladu sa traženim , jer je tražen API SN/CF, a ponuđeno je API SM/CF, a što je niža klasa ulja.
- Kvalitet ulja i maziva u stavci 14 Aneksa 1- Obrazac za cijenu ponude, nije u skladu sa traženim, jer je tražen API GL-5, a ponuđen je API GL-4, a koje je slabijeg kvaliteta.
- Također, za stavke pod rednim brojevima, 17,18,19 Aneksa 1-Obrazac za cijenu ponude, nisu jasno prikazane karakteristike masti.

U vezi predhodno navedenog ponuda ponuđača Delboy d.o.o. Zenica se odbija na osnovu člana 68. Zakona o javnim nabavkama stav 4. tačka (i).

b. Ponuda ponuđača Brkić Petrol d.o.o. Zenica sadrži određene nedostatke i to:

- Kvalitet ulja i maziva, u stavkama 5 i 6 Aneksa 1 – Obrazac za cijenu nije u skladu sa traženim, jer je tražen API SN/CF, a ponuđen je API SL/CF, a što je za dvije klase slabijeg kvaliteta.
- Kvalitet ulja u stavkama 11 i 12 Aneksa 1-Obrazac za cijenu ponude nije u skladu sa traženim, jer je tražen MB 236.5, 236.6 a ponuđen je MATIK ATF MB 236,2 koji ne zadovoljava traženi nivo kvaliteta
- Za stavku 16 Aneksa 1-Obrazac za cijenu ponude tražen je kvalitet DOT 3 SAE J 1704, a ponuđen SAE J 1703 koji ne zadovoljava traženi nivo kvaliteta.
- Za stavke 17,18 i 19 Aneksa 1-Obrazac za cijenu ponude tražen je kvalitet NLGI-razred 2, a na ponuđenim mastima nema oznaka za nivo kvaliteta.
- U stavci 26 Aneksa 1-Obrazac za cijenu ponude tražen je kvalitet API SL/CF, a ponuđen je API CF -4/SG, a što je za više klasa niži nivo kvaliteta.
- U stavci 29 Aneksa 1-Obrazac za cijenu ponude tražen je kvalitet API TB, a ponuđen je dvotakot API TC
- U ponudi ponuđača Brkić Petrol d.o.o. Zenica dio listova u katalogu su pogrešno okrenuti.

Također, isti ponuđač je dostavio potvrdu od Vanjskotrgovinske komore BiH za preferencijalni tretman domaćeg, u svrhu javne nabavke kod ugovornog organa JKP „Vodovod i kanalizacija „d.o.o. Zenica, ali se broj javne nabavke naveden na potvrdi ne odnosi za nabavku koja je predmet ovog tendera, što je očigledna greška organa koji je izdao potvrdu.
Iz svih predhodno navedenih razloga ponuda navedenog ponuđača se odbija, a na osnovu člana 68. tačka 4. stav (i) Zakona o javnim nabavkama.

c. Ponuda ponuđača Hifa Petrol d.o.o. Sarajevo sadrži određene nedostatke i to:

- Kvalitet ulja za za stavke 5 i 6 Aneksa 1 – Obrazac za cijenu ponude nije u skladu sa traženim, jer je tražen kvalitet API SN/CF, a ponuđen je API SL/CF, što je za dvije klase nižeg kvaliteta, kada su benzinski motori u pitanju.
- Kvalitet ulja za za stavku 16 Aneksa 1 – Obrazac za cijenu ponude nije u skladu sa traženim, jer je tražen kvalitet DOT 3 SAE 1704, a ponuđen je DOT 3 SAE 1703, što je za klasu nižeg kvaliteta.
- Kvalitet ulja za za stavku 30 Aneksa 1 – Obrazac za cijenu ponude nije u skladu sa traženim, jer je tražen 80 W 90 kvalitet API GL 5, a ponuđen je SAE 80 W 90 kvalitet API GL-4, a što za ovu stavku ne odgovara.
- U ponudi je uočena računska greška u ukupnoj vrijednosti ponude u Aneksu 1-Obrazac za cijenu ponude, stavke 30 (ukupna vrijednost ponude bez PDV-a, u KM) i 32 (ukupna vrijednost ponude, sa popustom, bez PDV-a, u KM).

Iz predhodno navedenih razloga ponuda navedenog ponuđača se odbija, a na osnovu člana 68. tačka 4. stav (i) i (j) Zakona o javnim nabavkama.

U skladu sa članom 66. Zakona o javnim nabavkama („Službeni glasnik BiH“ broj: 39/14) i člana 17. Uputstva za pripremu modela tenderske dokumentacije i ponuda („Službeni glasnik BiH“ broj: 90/14), Komisija za nabavku je dopisom broj: 716-306-1/17 BS od 20.01.2017. godine zatražila objašnjenje ponude od ponuđača VALVOSON d.o.o. Busovača za neprirodno nisku cijenu ponude, u odnosu na drugorangiranog ponuđača Almy d.o.o. Zenica za nabavku ulja i maziva, iz razloga što je vrijednost njegove ponude za više od 20 % niža od vrijednosti ponude drugorangiranog ponuđača.

Ponuđač VALVOSON d.o.o. Busovača je dana 31.01.2017. godine dostavio objašnjenje za cijenu svoje ponude na protokol broj: 716-1.403/17 u kojem je naveo da je njihovo preduzeće ponudilo većinu ulja i maziva domaće proizvodnje dok je druga ponuda sa uljima i mazivima proizvedenim većinom u EU. U daljem dijelu ponuđač ističe da je cijena proizvodnog procesa u BiH niža nego istog procesa u EU po svim parametrima, što ujedno predstavlja traženo objašnjenje koje se u potpunosti odnosi na ekonomičnost proizvodnog procesa. Ponuđač u odgovoru naglašava da ovo nikako neće uticati na kvalitet ponuđene robe koja u potpunosti zadovoljava tražene specifikacije.

Ponuđač navodi da u cijenu ponude nije uračunao troškove marketinga, kao i da je formirao cijenu dodavajući maržu koja otprilike iznosi od 10% do 20%, u zavisnosti od vrste ponuđenog proizvoda.

Ugovorni organ je prihvatio dostavljeno obrazloženje, te ocijenio da ponuda ponuđača VALVOSON d.o.o. Busovača, može biti predmet ocjene shodno utvrđenom kriteriju.

Ponuđači Valvoson d.o.o. Busovača i Almy d.o.o. Zenica su dostavili formalno-pravno i tehnički zadovoljavajuće ponude, te da je ista prihvatljiva za Ugovorni organ i može biti predmet ocjene shodno utvrđenom kriteriju.

Ponuđači Valvoson d.o.o. Busovača i Almy d.o.o. Zenica su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 09.02.2017. godine.

Navedenog dana, u terminu od 10:00 do 10:20 sati nije održana e-aukcija iz tehničkih razloga nastalih u sistemu javnih nabavki, te je ista zakazana za 13.02.2017. godine u 10:00 do 10:20 sati koja, također, nije održana iz tehničkih razloga. Dana 20.02.2017. godine zakazana je ponovna e – aukcija u 10:00 do 10:20 sati koja je održana u zakazanom terminu. Učesnici e-aukcije nisu mijenjali iznose svojih ponuda, tako da je Komisija nastavila predmetni postupak nabavke i ocijenila, prema utvrđenom kriteriju „najniža cijena“, da su prihvatljive ponude / ponuđača kako slijedi:

1.Valvoson d.o.o. Busovača

sa ukupnom cijenom ponude od 9.620,80 KM bez uračunatog PDV-a,

2. Almy d.o.o. Zenica

sa ukupnom cijenom ponude od 18.074,14 KM bez uračunatog PDV-a.

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriteriju iz tenderske dokumentacije.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „**najniža cijena**“, Komisija izvršila ocjenu prihvatljive ponude / ponuđača kako slijedi:

1.Valvoson d.o.o. Busovača

sa ukupnom cijenom ponude od 9.620,80 KM bez uračunatog PDV-a,

2. Almy d.o.o. Zenica

sa ukupnom cijenom ponude od 18.074,14 KM bez uračunatog PDV-a,

te dala preporuku da se okvirni sporazum zaključi sa najuspješnijim ponuđačem Valvoson d.o.o. Busovača na period od 24 mjeseca.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DOSTAVLJENO:

- 1 x Direktor preduzeća
- 1 x Pom.dir.za ekon.i pravne posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a



DIREKTOR:

Kahriman Ekrem, dipl.ing.maš.